

“AVTOKREDITLARNI SUG‘URTALASH” TO‘G‘RISIDAGI
FN-AVTO-HB-1-sonli
BOSH SHARTNOMA

Andijon sh.

“30” sentabr 2024-y.

O‘zbekiston Respublikasi Moliya vazirligi huzuridagi Sug‘urta bozorini rivojlantirish agentligining 2022-yil “25” fevraldagi 00052-sonli Sug‘urta faoliyatini amalga oshirish huquqini beruvchi Litsenziyasi asosida o‘z faoliyatini amalga oshiradigan, keyingi o‘rinlarda **“SUG‘URTALOVCHI”** deb nomlanuvchi **«TEMIRYO‘L-SUG‘URTA»** AJ nomidan Ustav asosida ish yurituvchi Bosh direktori S.A.Umarov bir tomondan, keyingi o‘rinlarda **“SUG‘URTA QILDIRUVCHI”** deb nomlanuvchi, **“Hamkorbank”** ATB nomidan Ustav asosida ish yurituvchi Boshqaruv Raisi B.T. Jo‘rayev ikkinchi tomondan birgalikda “Tomonlar”, alohida xollarda “Tomon” deb atalib, Avtokreditlarni sug‘urta qilish to‘g‘risidagi Bosh shartnomani (*bundan buyon matnda - mazkur Bosh shartnoma deb yuritiladi*) tuzdilar:

1. Mazkur Bosh shartnomaning predmeti O‘zbekiston Respublikasi Fuqarolik kodeksining 354 (Shartnoma tuzish erkinligi) va 360 (Qo‘shilish shartnomasi) moddalariga asosan Qarz oluvchining mazkur Bosh shartnoma shartlariga qo‘shilishi hisoblanadi.

2. Sug‘urta qildiruvchi va/yoki Qarz oluvchining topshirig‘iga ko‘ra, Sug‘urtalovchi o‘z zimmasiga, mazkur Bosh shartnomaning ajralmas qismi hisoblanadigan 2024-yil “30” sentabrdagi “Avtokreditlarni sug‘urtalash” qoidolari (bundan buyon matnda – “Sug‘urta qoidolari” deb yuritiladi) shartlariga muvofiq, sug‘urta hodisasi sodir bo‘lishi oqibatida Naf oluvchiga yetkazilgan zararni qoplash majburiyatini oladi. Sug‘urta qoidolari doirasida rasmiylashtirilgan sug‘urta polislariga muvofiq Sug‘urta qildiruvchi Naf oluvchi hisoblanadi.

3. Sug‘urta mukofotini to‘lanishi, Qarz oluvchining Sug‘urta qoidolari va sug‘urta polisida belgilangan shartlarda, tartibda va hajmda, Sug‘urta qoidalariga qo‘shilishiga so‘zsiz va to‘liq roziligini (akseptlaganini) bildiradi.

4. Har bir Qarz oluvchining mazkur Bosh shartnomaga va Sug‘urta qoidalariga qo‘shilishi Sug‘urtalovchi tomondan har bir avtokredit shartnomasi doirasida berilgan sug‘urta polisi bilan tasdiqlanadi.

5. Tomonlar Sug‘urtalovchining Internet jahon axborot tarmog‘idagi rasmiy veb-saytidan, shuningdek mobil ilovalardan, elektron pochtdan va axborot almashishning boshqa usullaridan foydalanilgan holda sug‘urta polislarini rasmiylashtirishga haqli.

6. Tomonlar, Sug‘urta qoidalariga muvofiq elektron sug‘urta polisining shartlari bajarilishi bilan bog‘liq bo‘lgan huquq va majburiyatlarga ega. Sug‘urta qoidalarida bo‘lgan shartlar, shu jumladan sug‘urta polisi matniga kiritilmagan shartlar, Sug‘urtalovchi, Sug‘urta qildiruvchi va Qarz oluvchi uchun majburiydir.

7. Mazkur Bosh shartnomada nazarda tutilmagan boshqa shartlar, Bosh shartnomaning ajralmas qismi bo‘lgan Sug‘urta qoidolari va O‘zbekiston Respublikasining amaldagi qonunchilik asosida tartibga solinadi.

8. Mazkur Bosh shartnoma taraflar tomonidan imzolanganidan so‘ng kuchga kiradi va taraflarning birini tashabbusi bilan ikkinchi tarafni 30 kun oldin ogohlantirgan holda bekor

qilinishi mumkin, biroq mazkur Bosh shartnoma bekor qilinishi uning amal qilgan davrida berilgan sug'urta polislar muddati tugaguniga qadar amalda bo'ladi.

9. TOMONLAR MANZILI VA REKVIZITLARI


SUG'URTALOVCHI "TEMIRYO'L-SUG'URTA" AЖ

MANZILI: Toshkent sh., Yunusobod tumani, Oloy bozori berk ko'chasi, 64 uy, BM "Orient"
BANK: "Ipak yuli" Banki
Mirzo-Ulug'bek filiali
MFO: 00421, **OKED:** 65120
INN: 203 996 028
X.R.: 20214000904188772001
ELEKTRON POCHTA: insurance@tys.uz
TEL.: 78-207-19-01

Bosh direktori: S.A. Umarov

M.O'.

imzo




SUG'URTA QILDIRUVCHI "Hamkorbank" ATB

MANZILI: Andijon sh., Bobur shoh ko'chasi, 85 uy
BANK: "Hamkorbank" ATB Bosh ofisi
MFO: 00083, **OKED:** 96120
INN: 200 242 936
X.R.:
Elektron pochta: muloqot@hamkorbank.uz
TEL.: 0 800 1 200 200

Boshqaruv Raisi: B.T. Jo'rayev

M.O'.

imzo



Avtokreditni sug'urtalash qoidolari

"KELISHILGAN"

"Hamkorbank" ATB
Boshqaruv raisi
B.T.Jo'rayev

(imzo va muhr o'rnini)

2024-yil

"TASDIQLAYMAN"

«TEMIRYO'L-SUG'URTA» AJ
Bosh direktori
S.A.Umarov

(imzo va muhr o'rnini)

30 09 2024-yil

"AVTOKREDITNI SUG'URTALASH" QOIDALARI

1-BO'LIM. UMUMIY SHARTLAR

1.1. Mazkur "Avtokreditni sug'urtalash" qoidolari (keyinchalik matnda – Sug'urta qoidolari deb yuritiladi) "TEMIRYO'L-SUG'URTA" AJ (keyinchalik matnda – Sug'urtalovchi deb yuritiladi) tomonidan O'zbekiston Respublikasi qonunchiligiga asosan ishlab chiqilgan bo'lib, "Hamkorbank" ATB (keyinchalik matnda – Sug'urta qildiruvchi / Naf oluvchi deb ataluvchi) mijozlariga Umumiy sug'urta sohasining 3 va 14-klasslari bo'yicha "Avtokreditni sug'urtalash" shartnomasi doirasida sug'urta xizmatlarini ko'rsatish tartib va shartlarini belgilaydi.

1.2. Ushbu Sug'urta qoidalarida nazarda tutilgan shartlarga va/yoki qo'shimcha kelishilgan ushbu Sug'urta qoidalarining ajralmas qismi bo'lgan shartlar, istisnolar va ilovalarga muvofiq Sug'urtalovchi sug'urta hodisasi yuz berganida Sug'urta qildiruvchiga (Qarz oluvchiga yoki mazkur Sug'urta qoidalariga muvofiq tuzilgan boshqa shaxslarning foydasiga) sug'urta tovonini to'lash orqali yetkazilgan zarar o'rnini quyida ko'rsatilgan tartibda va hajmda qoplash majburiyatini oladi, shu shart bilanki, bunda Sug'urta qildiruvchi ushbu Sug'urta qoidalarida ko'rsatilgan miqdorda, tartibda va muddatda sug'urta mukofotini to'lash majburiyatini oladi.

1.3. Quyidagilar sug'urta obyektlari hisoblanadi:

- ✓ Transport vositasini harid qilish uchun Qarz oluvchiga (jismoniy/yuridik/o'z o'zini band qilgan shaxsga yoki tadbirkorlik subyektiga) berilgan qarzning (kreditning) qaytarilishini ta'minlash bilan bog'liq bo'lgan Sug'urta qildiruvchining mulkiy manfaatlari;
- ✓ garovga qo'yilgan sug'urtalangan transport vositasiga (TV) egalik qilish, undan foydalanish va uni tasarruf qilish bilan bog'liq Qarz oluvchining mulkiy manfaatlari.

Bunda mazkur mulkiy manfaatlarga ushbu Sug'urta qoidalarida sanab o'tilgan tavakkalchiliklardan bevosita yuz bergan sug'urta hodisasi yuzaga kelganida zarar yetkazilishi mumkin.

1.4. Sug'urta qildiruvchi / Qarz oluvchi Sug'urtalovchiga taqdim etgan hujjatlar va ma'lumotlar (garov va kredit, qarz shartnomalari nusxalari, Sug'urta qildiruvchining / Qarz oluvchining va hokazolarning hujjatlari) ushbu Sug'urta qoidalariga asosan berilgan tegishli Sug'urta polisining ajralmas qismi ekanligini, shuningdek ular ko'rsatilgan hujjatlar va ma'lumotlar ishonchli hamda haqiqatga to'g'ri keluvchi ma'lumotlarga ega ekanligini tasdiqlaydilar.

2-BO'LIM. ATAMALAR

Ushbu Sug'urta qoidalarida quyidagi mazmundagi atamalardan foydalaniladi:

2.1. **Kredit (qarz) shartnomasi** – ushbu Sug'urta qoidalariga asosan rasmiylashtirilgan Sug'urta polisida ko'rsatilgan fuqarolik-huquqiy shartnomasi bo'lib, unga ko'ra Sug'urta qildiruvchi Qarz oluvchiga Kredit shartnomasida nazarda tutilgan miqdorda va shartlarda pul mablag'larini (kredit) taqdim etish majburiyatini oladi, Qarz oluvchi esa olingan pul mablag'larini o'z vaqtida qaytarish va u bo'yicha foizlarni to'lash majburiyatini oladi.

2.2. **Sug'urta polisi/elektron sug'urta polisi** – ushbu Sug'urta qoidalariga asosan Sug'urta mukofoti to'langanidan keyin Sug'urta qildiruvchiga beriladigan, hamda Sug'urta qoidolari bo'yicha Sug'urta qildiruvchining majburiyatlari kuchga kirganini tasdiqlovchi hujjat.

2.3. **Sug'urta puli** – ushbu Sug'urta qoidalariga ko'ra sug'urta hodisasi yuz bergan Sug'urta qildiruvchi oldida Sug'urtalovchi majburiyatlarining eng ko'p hajmlarini ifodalaydigan mablag'lari summasi.

2.4. **Sug'urta hodisasi** – amalda yuz bergan va ushbu Sug'urta qoidalarida nazarda tutilgan hodisa bo'lib, u yuz berishi bilan Sug'urtalovchining ushbu Sug'urta qoidalariga muvofiq sug'urta tovonini to'lash majburiyati yuzaga keladi.

2.5. **Sug'urta tovon** – sug'urta hodisasi yuzaga kelishi natijasida Sug'urta qildiruvchi yetkazilgan zararni qoplash hisobiga Sug'urtalovchi tomonidan sug'urta puli chegarasida Sug'urta qildiruvchiga yoki uning yozma roziligiga asosan Qarz oluvchiga to'lanadigan pul mablag'lari.

2.6. **Sug'urta mukofoti** – sug'urta uchun to'lov bo'lib, uni Sug'urta qildiruvchi va/yoki Qarz oluvchi ushbu Sug'urta qoidalarida bayon qilingan tartibda va muddatlarda Sug'urtalovchiga to'lanadigan shart.

2.7. **Sug'urta davri** – ushbu Sug'urta qoidalariga asosan sug'urta amal qiladigan vaqt davri bo'lib, Sug'urta davrining boshlanishi va tugashi vaqti Sug'urta polisida ko'rsatiladi.

2.8. **Kreditning maqsadli ishlatilishi** – Qarz oluvchi kredit mablag'lari evaziga yangi yoki ikkilamchi bozordan transport vositalarini sotib olishi.

2.9. **Sug'urta qilingan transport vositasi** (keyinchalik matnda va boshqa bandlarda TV da yuritiladi) – Qarz oluvchi nomiga hujjat bilan rasmiylashtirilgan va kredit mablag'lari hisobiga harid qilingan transport vositasi bo'lib, unga nisbatan ushbu Sug'urta qoidalariga shartlariga muvofiq sug'urta qamrovi amal qiladi.

2.10. **Qarz oluvchi** – Sug'urta qildiruvchi bilan shartnomaviy munosabatlarga kirgan, kredit shartnomasiga asosan Sug'urta qildiruvchidan kredit olgan, hamda kreditdan Kredit shartnomasiga shartlariga muvofiq foydalandigan shaxs.

3-BO'LIM. SUG'URTA HODISALARI

3.1. Ushbu Sug'urta qoidalariga bo'yicha quyidagi hodisalar sug'urta hodisasi bo'lib hisoblanadi:

a) Qarz oluvchi tomonidan Kredit shartnomasida nazarda tutilgan shartlar va muddatlarga muvofiq kreditning qaytarilmasligi. Sug'urtalash davri davomida Qarz oluvchi tomonidan kredit bo'yicha asosiy qarz va hisoblangan foizlar summasining so'ndirib borilishi bilan Sug'urtalovchining kredit qaytarilmasligi tavakkalchiligini sug'urtalash bo'yicha majburiyatlari kamayadi;

b) sug'urta qilingan transport vositasini quyidagilar natijasida yo'qotilishi yoki shikastlanishi:
– yong'in, portlash, yashin urishi; suv toshqini, bo'ron, dovul, jala, do'l, sel; zilzila, tuproq o'pirilishi, yer ko'chishi;

– yo'l-transport hodisalar, shu jumladan O'zbekiston Respublikasi hududida va undan tashqari sodir bo'lganlar;

– predmetlarning urilishi/tushib ketishi;

– o'g'irlanishi, TV olib qochilganida olib qochish fakti;

– uchinchi shaxslarning huquqbuzarlik harakatlari;

3.2. Ushbu Sug'urta qoidalariga 3.1-bandining "a" kichik bandi bilan nazarda tutilgan sug'urta hodisasi yuzaga kelishi munosabati bilan sug'urta tovonini to'lash yuzasidan Sug'urtalovchining majburiyatlari Sug'urta polisida ko'rsatilgan sanadan e'tiboran boshlanadi va Qarz oluvchi tomonidan TV tegishli tartibda garovga qo'ymaguniga qadar ya'ni olingan kredit uchun ta'minot sifatida garov shartnomasini rasmiylashtirilmaguniga qadar amalda bo'ladi.

3.3. Ushbu Sug'urta qoidalariga 3.1-bandining "b" kichik bandi bilan nazarda tutilgan sug'urta hodisasi yuzaga kelishi munosabati bilan sug'urta tovonini to'lash yuzasidan Sug'urtalovchining majburiyatlari Qarz oluvchi tomonidan TV belgilangan tartibda olingan kredit mablag'i uchun ta'minot sifatida garov shartnomasi rasmiylashtirilgan paytdan e'tiboran boshlanadi va Sug'urta polisida ko'rsatilgan sug'urta davri o'tishi bilan tugaydi.

4-BO'LIM. ISTISNOLAR

4.1. Ushbu Sug'urta qoidalarari bo'yicha quyidagi hollarda sug'urta hodisasi deb e'tirof qilinmaydi va Sug'urtalovchi sug'urta tovonini to'lashdan ozod qilinadi:

a) Sug'urtalovchi ushbu Sug'urta qoidalarari asosida Sug'urta shartnomasi (polis)ni tuzish haqida qaror qabul qilishi uchun asos bo'lgan ma'lumotlarni Sug'urta qildiruvchi taqdim etgan holda sug'urta tavakkalchiligi to'g'risida mulohaza yuritish uchun muhim ahamiyatga ega bo'lgan holatlar haqida atayin noto'g'ri ma'lumotlarni xabar qilgan taqdirda;

b) agar sug'urta hodisasi Sug'urta qildiruvchining, Qarz oluvchining yoki Haydovchining sug'urta hodisasi yuzaga kelishiga qaratilgan qasddan qilgan harakatlari yoki harakatsizligi oqibatida yuz bergan bo'lsa, bundan ular tomonidan fuqarolik burchi yoki Sug'urta qildiruvchining, Qarz oluvchining yoki uchinchi shaxslarning hayoti, sog'lig'i, or-nomusi va qadr-qimmatini himoya qilish bilan bog'liq harakatlar mustasno;

d) agar Sug'urta qildiruvchi/Qarz oluvchi Sug'urtalovchini sug'urta hodisasi yuzaga kelganligi haqida habardor qilmagan bo'lsa;

e) agar Sug'urta qildiruvchi/Qarz oluvchi Sug'urtalovchining sug'urta hodisasi sabablari va holatlarini aniqlashiga, shuningdek zarar miqdorini aniqlashiga to'g'ridan-to'g'ri to'sqinlik qilgan bo'lsa;

f) Sug'urtalovchi tomonidan Sug'urta qildiruvchining aybi bilan subrogatsiya tartibida Qarz oluvchiga talab qo'yish mumkin bo'lmaganida;

4.2. Sug'urta quyidagilar bilan bog'liq hodisalarga nisbatan tadbiriq etilmaydi:

a) ushbu Sug'urta qoidalariga asosan sug'urta amal qilishi davrida Sug'urta qildiruvchi tomonidan Qarz oluvchining mol-mulkini Sug'urtalovchi bilan dastlabki tarzda kelishmagan holda o'zganing ixtiyoriga qonuniy tarzda o'tkazganida;

b) kredit summasiga hisoblangan har qanday penya, jarimalar, neustoyka hisoblash, foyda yoki naf olmaslik, bank komissiyasi va boshqalar (Qarz oluvchi tomonidan kreditning asosiy qarz va hisoblangan foizlarning so'ndirilmagan qismi bundan mustasno);

d) Kredit shartnomasi rasmiylashtirilganida / kredit berilganida Sug'urta qildiruvchi yoki uning vakillari tomonidan O'zbekiston Respublikasi qonun hujjatlarining talablariga rioya qilmaslikning bevosita yoki bilvosita oqibatida Sug'urta qildiruvchining zararlari.

4.3. Ushbu Sug'urta qoidalariga ko'ra sug'urta qilingan TV ga yetkazilgan, quyidagi holatlarda yuz bergan zararlar qoplanmaydi:

a) sug'urta qilingan TV ni alkogol va/yoki toksik va/yoki narkotik moddalar ta'sirida mast holatda va/yoki boshqa turdagi mastlik holatida boshqarish

b) sug'urta qilingan TV ni ekspluatatsiya qilish yoki boshqarish ishonib topshirilgan Qarz oluvchi/Haydovchi yoki har qanday shaxslar tomonidan qalloblik harakatlari. Mazkur band qarz oluvchi tomonidan TVni bankka garovga taqdim qilmasdan sotib yuborgan holatlarda qo'llanilmaydi;

d) sug'urta qilingan TV ni O'zbekiston Respublikasining amaldagi qonun hujjatlariga muvofiq transport vositasini boshqarishga huquqi va ruxsati (haydovchilik guvohnomasi, ishonchnoma va boshqalar) bo'lmagan shaxs tomonidan boshqarilishi natijasida YTX bo'lishi. Mazkur bandning qoidalarari sug'urta qilingan TV o'g'irlangan taqdirda qo'llanilmaydi.

4.4. Yo'lning notekisliklari yoki yomon holati, o'tkir predmetlarni bosish va boshqalar natijasida kelib chiqqan g'ildirak diskklarining va/yoki shinalarining shikastlanishi, agar ularning shikastlanishi sug'urta qilingan TV ni shikastlanishini yoki nobud bo'lishini keltirib chiqargan xollari bundan mustasno.

Ushbu Sug'urta qoidalarari shuningdek sug'urta qilingan TV ga quyidagilar oqibatida yetkazilgan to'liq yoki qisman zararni qoplamaydi:

a) harbiy hujum akti, harbiy harakatlar, fuqarolar urushi;

b) isyon, milliy tusdagi ish tashlashlar;

e) shaxs yoki bir guruh shaxslar tomonidan amalga oshirilgan terrorchilik harakati;

4.5. Maxsus istisnolar:

Sug'urta tovonni miqdorini aniqlashda sug'urta hodisasi natijasida sug'urta qilingan TV ga yetkazil zarar miqdoridan quyidagilar chiqarib tashlanadi:

a) sug'urta qilingan TV ning, jumladan uning alohida detallari va bo'g'imlarining ula ekspluatatsiya qilinishi va/yoki bekor turishi oqibatida tabiiy eskirishi, biroq sug'urta qilingan TV n tabiiy eskirishi oqibatida yuz bergan uning nobud bo'lishi yoki shikastlanishi ushbu Sug'urta qoida bo'yicha qoplanadi;

b) sug'urta qilingan TVda ishlab chiqaruvchi korxonaning braki

d) Qarz oluvchining sug'urta qilingan TV ni takomillashtirish bilan bog'liq xarajatlari.

4.6. Sug'urtalovchi shuningdek O'zbekiston Respublikasining qonun hujjatlarida naza tutilgan hollarda ham sug'urta tovonini to'lashdan ozod qilinadi.

5-BO'LIM. SUG'URTA PULI VA SUG'URTA MUKOFOTI

5.1. Sug'urta qoidalarining:

- 3.1-bandi "a" kichik bandi bo'yicha Sug'urta puli miqdori Sug'urta qildiruvchi tomonidan Q oluvchiga ajratilgan kreditning (qarzning) 125% miqdorida belgilanadi.

- 3.1-bandi "b" kichik bandi bo'yicha Sug'urta puli miqdori Sug'urta qildiruvchi va Q oluvchi Sug'urtalovchiga taqdim etadigan bank elektron dasturini birlamchi ma'lumotnomasiga ko belgilanadi. Sug'urta puli sug'urtaga qabul qilinayotgan TV ning Sug'urta qiymatidan kam qi belgilangan bo'lsa, sug'urta hodisasi yuz berganida Sug'urtalovchi Sug'urta qildiruvchiga / Q oluvchiga u ko'rgan zararni O'zbekiston Respublikasi FKning 936-moddasiga asosan sug'u pulining sug'urta qiymatiga bo'lgan nisbatiga mutanosib ravishda qoplaydi.

5.2. Sug'urta qoidalarining:

- 3.1-bandi "a" kichik bandi bo'yicha Sug'urta mukofoti sug'urta amal qilishining har bir yili 2-ilovaga asosan belgilangan sug'urta tarifi doirasida hisoblanadi.

- 3.1-bandi "b" kichik bandi bo'yicha Sug'urta mukofoti sug'urta amal qilishining har bir yili 2-ilovaga asosan belgilangan sug'urta tarifi doirasida hisoblanadi.

5.3. Mazkur Sug'urta qoidalari bo'yicha umumiy Sug'urta mukofoti miqdori, Sug'u qoidalarining 5.1 va 5.2 bandlariga ko'ra aniqlangan sug'urta mukofotlarini qo'shish orq hisoblanadi, 2-ilovaga asosan kelishilgan maxsus shartga binoan kelishilgan sug'urta tariflaridan or bo'lishi mumkin emas.

5.4. Sug'urta qildiruvchi/Qarz oluvchining bank elektron dasturidagi birlamchi ma'lumotnoma (kredit shartnomasini tuzish uchun taqdim etiladigan xujjatlar) Sug'urtalovchiga taqdim etgan kunda e'tiboran 5 (besh) kun ichida Sug'urta mukofoti bir yo'la va to'liq hajmda to'lanishi lozim.

6-BO'LIM. SUG'URTA SHARTNOMASI (POLIS)NI TUZISH TARTIBI VA SUG'URTANING AMAL QILISHI MUDDATI

6.1. Ushbu Sug'urta qoidalariga ko'ra Sug'urta shartnomasi Elektron sug'urta polisini Sug'ur qildiruvchiga va uning nusxasini Qarz oluvchiga taqdim etish orqali tuziladi. Sug'urta polisi mazk Qoidalarning 1-ilovasida kelishilgan namunaviy shaklda Sug'urta mukofoti to'langandan so'r rasmiylashtiriladi.

6.2. Ushbu Sug'urta qoidalariga asosan Sug'urtalovchining sug'urta tovonini to'lash yuzasida majburiyatlari Sug'urta mukofoti (uning birinchi badali) to'langan kundan kuchga kiradi va Sug'ur polisida ko'rsatilgan Sug'urta davri davomida amalda bo'ladi.

6.3. Qarz oluvchi qarz bo'yicha Sug'urta qildiruvchi oldidagi barcha majburiyatlarini bajari sug'urta qilingan TV ning garovini bekor qilganda va Sug'urta polisini bekor qilish to'g'risid Sug'urtalovchiga tegishli talab bildirmaganda, Sug'urta polisi unda ko'rsatilgan sug'urta dav

tugaguniga qadar amalda bo'ladi va ushbu davr ichida sug'urta hodisasi sodir bo'lganda Qarz oluvchi – Sug'urta qildiruvchi yoki sug'urta tovonini olish vakolatiga ega Naf oluvchi hisoblanadi.

6.4. Ushbu Sug'urta qoidalaridan kelib chiqadigan sug'urta qoplamasini to'lash majburiyati – Sug'urta polisida ko'rsatilgan sug'urta davri boshlangan kunda va undan keyin yuz bergan sug'urta hodisalariga nisbatan tadbqiq etiladi va sug'urta davri davomida amalda bo'ladi.

6.5. Ushbu Sug'urta qoidolari asosida sug'urta va shartnomaviy munosabatlarni amalga oshirishda va ro'yobga chiqarishda tomonlar o'rtasida O'zbekiston Respublikasi qonunchiligida o'rnatilgan talablarga rioya qilgan holda elektron tarzda hujjatlar (polislar va boshqalar) almashinuviga yo'l qo'yiladi.

7-BO'LIM. TARAFLARNING HUQUQ VA MAJBURIYATLARI

7.1. Ushbu Sug'urta qoidalariga asosan sug'urta amal qilishi davrida:

7.1.1. Sug'urta qildiruvchi/Qarz oluvchi quyidagi huquqlarga ega:

a) ushbu Sug'urta qoidalariga asosan sug'urta amal qilishi davrida ushbu Sug'urta qoidolari bo'yicha bepul maslahatlar olish;

b) sug'urta hodisasi yuzaga kelganidan keyin ushbu Sug'urta qoidolari shartlariga rioya qilgan holda Sug'urtalovchidan ushbu Sug'urta qoidolari bo'yicha o'z majburiyatlarini bajarishni talab qilish.

d) taqdim etilgan hujjatlar va Sug'urta qoidalarida ko'rsatilgan muddatlarda sug'urta dalolatnomasini tuzish va Sug'urta tovonini amalga oshirish yoki Sug'urta tovonini to'lashni rad etish sabablari ko'rsatilgan yozma rad javobini olish.

7.1.2. Sug'urta qildiruvchi quyidagilarni bajarishi shart (majburiyatlar):

a) Sug'urtalovchiga Kredit shartnomasi shartlarida ehtimol qilingan o'zgarishlar haqida, shu jumladan kredit majburiyatida shaxslarning o'zgarganligi haqida xabar berishi;

b) Sug'urtalovchining so'rovi bo'yicha sug'urta hodisasi yuzaga kelganligi faktini va holatlarini aniqlash uchun zarur bo'lgan har qanday ma'lumotlarni yoki axborotni xabar qilishi;

d) yuridik manzili va bank rekvizitlari o'zgargan taqdirda, bu haqda Sug'urtalovchiga xabar berishi;

e) Qarz oluvchi bilan u TV ni olgan paytidan e'tiboran, 1 (bir) oy ichida garov shartnomasini tuzish bo'yicha qaz oluvchini ogoxlantirish, garov shartnoma nizosiz holda tuzilgan taqdirda Sug'urtalovchiga taqdim etish;

e) Qarz oluvchiga berilgan, garovga qo'yilgan TV haqida to'liq axborotni yoki ma'lumotnomani (TV modeli, markasi, rangi, kuzovi va dvigatel raqamini) taqdim etishi;

f) Sug'urtalovchi ko'rilgan zarar fakti va miqdorini aniqlashga imkon beradigan hujjatlarni (Sug'urta qildiruvchi va Qarz oluvchi o'rtasida kreditni so'ndirish hisobiga amalga oshirilgan to'lovlar miqdori haqida ma'lumotnoma, kredit shartnomasi amal qilish davrida pul mablag'lari harakati haqida bank ko'chirmasi, kredit Qarz oluvchining bankrotligini tasdiqlovchi hujjat, pasport, o'lim guvohnomasi, kredit shartnomasi to'lov grafigi bilan, garov shartnomasi, mavjud bo'lganda Kafillik shartnomasi hamda Kafil shaxsning pasport nusxasi) taqdim etishi shart.

7.1.3. Qarz oluvchi quyidagilarni bajarishi shart (majburiyatlar):

a) olingan TVni u harid qilingan paytdan e'tiboran ikki hafta ichida va olingan kreditning qaytarilishini ta'minlash uchun Kredit shartnomasi shartlariga muvofiq Sug'urta qildiruvchiga garovga taqdim etishi hamda keyinchalik garov shartnomasining nusxasini Sug'urtalovchiga taqdim etishi;

b) ushbu Sug'urta qoidalariga asosan sug'urta polisini rasmiylashtirish paytida Sug'urtalovchiga xabar qilingan holatlarda o'ziga ma'lum bo'lib qolgan sezilarli o'zgarishlar haqida Sug'urtalovchiga yozma xabar berishi, shuningdek Sug'urtalovchiga barcha hujjatlar va dalillarni berishi hamda subrogatsiya va regress tartibida Sug'urtalovchiga o'tgan talab qilish huquqini Sug'urtalovchi tomonidan amalga oshirishi uchun zarur bo'lgan barcha ma'lumotlarni unga xabar qilishi;

Avtokreditni sug'urtalash qoidalar

d) Sug'urtalovchiga ko'rilgan zararlar fakti va miqdorini aniqlashga imkon beradigan hujjatlar taqdim etishi shart.

7.1.4. Sug'urtalovchi quyidagi huquqlarga ega:

a) sug'urta qaltisligi oshishini keltirib chiqaruvchi holatlar yuzaga kelganida ushbu Sug'urt qoidalar shartlarini o'zgartirishni yoki qaltislik oshishiga mutanosib ravishda qo'shimcha sug'urt mukofotini to'lashni talab qilish;

b) Sug'urta qildiruvchi/Qarz oluvchi tomonidan ushbu Sug'urta qoidalarida va amaldagi qonun hujjatlarida nazarda tutilgan o'z majburiyatlari bajarilmaganida yoki lozim darajada bajarilmaganida sug'urta tovonini to'lashni rad etish.

7.1.5 Sug'urtalovchi quyidagilarni bajarishi shart (majburiyatlar):

a) Sug'urta qildiruvchiga/Qarz oluvchiga ushbu Sug'urta qoidalar bo'yicha maslahatlar berishi;

b) ushbu Sug'urta qoidalarida belgilangan muddatlarda va tartibda Sug'urta polisini berishi;

d) sug'urta hodisasi yuzaga kelganida Sug'urta qildiruvchiga/Qarz oluvchiga ushbu Sug'urta qoidalarida belgilangan muddatlarda va tartibda sug'urta tovonini to'lashi;

e) Sug'urta qildiruvchi, Qarz oluvchi va ularning mulkiy holati haqidagi ma'lumotlarni ma'lum qilmasligi shart, O'zbekiston Respublikasining qonun hujjatlarida nazarda tutilgan hollar bunda mustasno. Qarz oluvchi Sug'urtalovchi tomonidan talab qilinayotgan hujjatlarni o'z vaqtida taqdim etishida Sug'urta qildiruvchiga yordam berishi shart.

7.2. Sug'urta qildiruvchi tomonidan taqdim etilgan barcha zarur xujjatlar asosida sug'urta hodisasi yuzaga kelishi fakti Sug'urtalovchi tomonidan tan olingan taqdirda, Sug'urtalovchi tomonidan besh kun ichida sug'urta hodisasi to'g'risida dalolatnoma tuziladi, unda barcha olingan axborot ko'rsatiladi, to'lanishi lozim bo'lgan sug'urta tovonining miqdori aniqlanadi. Sug'urta hodisasi to'g'risida dalolatnoma Sug'urtalovchi, Sug'urta qildiruvchining vakillari va Qarz oluvchi (3.1-band "b" kichik bandi bo'yicha) tomonidan imzolalanadi.

7.3. Ushbu Sug'urta qoidalarining 7.1.5-bandlarini bajarishga taalluqli ma'lum harakatlarga nisbatan so'rovlarga/kelishuvlarga doir barcha xabarlar/javoblar ushbu Sug'urta qoidalarini tuzishda Sug'urtalovchiga xabar berilgan holatlarda sezilarli o'zgarishlarni so'rov olingan/aniqlangan kundan e'tiboran besh ish kunidan kechikmay amalga oshirilishi kerak.

8-BO'LIM. SUG'URTA DA'VOSINI KO'RIB CHIQISH

8.1. Ushbu Sug'urta qoidalar doirasida sug'urta tovonini to'lash haqida Sug'urtalovchiga qo'yiladigan talabga asos bo'lishi mumkin bo'lgan, 3.1-bandining "a" kichik bandida ko'rsatilgan hodisa yuz berganida Sug'urta qildiruvchi quyidagilarni bajarishi shart:

- Sug'urtalovchiga hodisa yuz berganligi haqida unga ma'lum bo'lgan vaqtdan e'tiboran 30 kalendar kundan kechiktirmay ariza berishi;

- Sug'urtalovchiga zarar yetkazilganligi fakti va miqdorini aniqlashga imkon beruvchi hujjatlar (Sug'urta qildiruvchi va Qarz oluvchi o'rtasida kreditni so'ndirish hisobiga amalga oshirilgan to'lovlar miqdori haqida solishtirma dalolatnomalarini (agar qarz oluvchi imzolashni xoxlamasa unda dalolatnoma bir tomonlama imzolaniib, qarzdar imzolashdan bosh tortilganligi yuzasidan aloxida xujja rasmiylashtirgan holda taqdim etilishi mumkin), Qarz oluvchi tomonidan kreditni so'ndirish hisobiga o'tkazilgan pul mablag'lari haqidagi to'lov topshiriqlarining nusxalarini) taqdim etishi shart.

Qarz oluvchi Sug'urtalovchi tomonidan talab qilinadigan hujjatlarni o'z vaqtida taqdim etishida Sug'urta qildiruvchiga yordam berishi shart.

8.2. Sug'urta qildiruvchi tomonidan 3.1-bandining "a" kichik bandi bo'yicha sug'urta tovonini to'lashni rad etish to'g'risida qaror qabul qilingan taqdirda, Sug'urta qildiruvchiga u tomondan ariza topshirilgan kundan e'tiboran 15 (o'n besh) kun ichida rad etish sabablari asoslangan holda yozma bildirishnoma yuboriladi.

8.3. Ushbu Sug'urta qoidalarini doirasida Sug'urtalovchiga sug'urta tovonini to'lash bo'yicha asos bo'lishi mumkin bo'lgan, 3.1-bandning "b" kichik bandida ko'rsatilgan hodisa yuz berganida Qarz oluvchi/Haydovchi:

- yuz bergan hodisa haqida vakolatli organlarga (yo'l harakati xavfsizligi organlariga, yong'in xavfsizligi, ichki ishlar organlariga va boshqalarga) xabar berishi, bunda YTH ishtirokchilari "yevroprotokol"ga asosan ish tutgan holatlar mustasno;

- imkon bo'lishi bilan, sug'urta qildiruvchiga ma'lum bo'lgan kundan 15 (o'n besh) kalendar kunidan kechiktirmay bu haqda Sug'urtalovchiga bog'lanish usullaridan foydalangan holda xabar berishi va hodisa yuz berganidan keyin besh bank ish kuni ichida hodisa sodir bo'lgan joy, sabablari va holatlari ko'rsatilgan holda Sug'urtalovchiga yozma bildirishnomani yuborishi shart.

Sug'urta tovonini to'lash haqidagi arizaga quyidagi hujjatlar ilova qilinishi kerak:

- a) sug'urta polisi;
- b) haydovchilik guvohnomasining nusxasi (zarur holatlarda sug'urtalovchining talabiga asosan asl hujjat taqdim qilindi);

- c) transport vositasini ro'yxatdan o'tkazilganligi to'g'risida guvohnomaning nusxasi (zarur holatlarda sug'urtalovchining talabiga asosan asl hujjat taqdim qilinadi) yoki agar TV hali ro'yxatdan o'tkazilmagan bo'lsa, qayt etilgan dillarning schyot-ma'lumotnomasi;

- d) ishonchnoma yoxud transport vositasini boshqarish huquqini taqdim etuvchi boshqa hujjat;

- e) hodisa sabablari va holatlari ko'rsatilgan holda yuz bergan hodisa holatlari yuzasidan tekshirishni o'tkazishga haqli bo'lgan vakolatli organlardan olingan materiallar (jinoyat ishi yoki ma'muriy ish qo'zg'atilganligi to'g'risidagi qaror, haydovchilarni tibbiy ko'rikdan o'tkazilganligi to'g'risidagi (xaydovchi mast emasligi xakidagi) ma'lumotnoma, haydovchilar pasportlarining nusxalari);

- f) tuzilgan xabarnomaning (yevroprotokol) bir asl nusxasi va haydovchining hushyor yoki mastlik holati tekshirilgani to'g'risida dalolatnomaning nusxasi agarda yo'l-transport hodisasi sodir bo'lgani to'g'risida xabarnoma tuzilgan bo'lsa;

- g) baholash faoliyatini amalga oshirish uchun litsenziyaga ega bo'lgan baholash tashkiloti tomonidan barcha ishlar ro'yxati, ehtiyot qismlar va materiallar ko'rsatilgani holda tuzilgan moddiy zararni baholash kalkulyatsiyasi, bunda uni o'tkazilishi bilan bog'liq harajatlar Sug'urtalovchi tomonidan qoplanmaydi;

Ushbu Sug'urta qoidalarining 8.3.-bandi "a" - "e" kichik bandlarida nazarda tutilgan hujjatlar ulardan ko'chirma nusxa olinganidan va ularning asl ekanligi tasdiqlanganidan keyin Sug'urta qildiruvchiga (yoki taqdim qilgan boshqa shaxsga) qaytarib beriladi.

Sug'urta tovonini to'lash bo'yicha davo ishi Qarz oluvchi arizani Sug'urta qoidalarining 8.3. bandida ko'rsatilgan xujjatlarni ilova qilgan holda taqdim etgan sanadan e'tiboran 15 (o'n besh) kalendar kuni ichida ko'rib chiqiladi. Agarda Qarz oluvchi arizani Sug'urta qoidalarining 8.3.-bandida ko'rsatilgan hujjatlarni to'liq taqdim etmasa, 3 (uch) ish kuni ichida Sug'urta qildiruvchiga/Qarz oluvchiga Sug'urtalovchi ushbu hujjatlarni taqdim etish to'g'risida yozma so'rovnoma taqdim etadi.

8.4. Sug'urta qildiruvchi tomonidan yuz bergan har qanday yo'qotishlar va/yoki shikastlanishlar haqida xabar berilganida Sug'urtalovchi da'volarni ko'rib chiqish va yuz bergan hodisaning turi, sabablari va holatlarini to'liq o'rganish uchun o'z xodimini yoki boshqa shaxsni yo'llashga haqli.

8.5. Barcha zarur hujjatlar olinganidan va mazkur hodisaga taalluqli barcha holatlar o'rganilganidan keyin Sug'urtalovchi tomonidan yuz bergan hodisani sug'urta hodisasi deb tan olish yoki tan olmaslik haqidagi qaror chiqariladi.

8.6. Sug'urtalovchining sug'urta tovonini to'lashni rad etish yoki to'lash haqidagi qarori Sug'urta qildiruvchiga uning sug'urta tovonini to'lab berish haqidagi yozma murojaatidan keyin o'n besh kundan kechiktirmay xabar qilinishi va rad etilganida rad etishning asoslangan sabablarini ichiga olishi kerak.

8.7. Agar sug'urta voqeasi bilan bog'liq tergov yoki sud jaryonlari olib borilayotgan bo'lsa Sug'urtalovchi sug'urta tovonini to'lash haqidagi masalani hal etishni vakolatli organlar tomonidan tegishli qaror qabul qilinishi paytiga qadar kechiktirish huquqiga ega.

8.8. Sug'urta hodisasi yuz berganligini, shuningdek unga yetkazilgan zararlarni isbotlash Sug'urta qildiruvchi va Qarz oluvchi zimmasiga yuklatiladi.

9-BO'LIM. SUG'URTA TOVONINI TO'LASH

9.1. Ushbu Sug'urta qoidalarining 3.1-bandi "a" kichik bandida nazarda tutilgan sug'urta hodisasi yuz berganida sug'urta tovonini Sug'urta qildiruvchiga Qarz oluvchining kreditning asosiy qismi va hisoblangan foizlar bo'yicha Sug'urta polisi amal qilishi davrida yuzaga kelgan to'lov muddati o'tib ketgan qarzdorligi summasidan oshmaydigan miqdorda to'lanadi.

9.2. Ushbu Sug'urta qoidalarining 3.1-bandi "b" kichik bandida nazarda tutilgan sug'urta hodisasi yuz berganida sug'urta tovonini Qarz oluvchi yoki Sug'urta qildiruvchiga (oxirgisining tanloviga ko'ra) quyidagi shartlarga rioya qilingan holda to'lanadi:

- Sug'urta qilingan TV o'g'irlanganida yoki to'liq nobud bo'lganida – ushbu Sug'urta qoidalar doirasida ilgari to'langan barcha sug'urta to'lovlarini (agar to'lovlar amalga oshirilgan bo'lsa) chiqaril tashlangan holda sug'urta puli doirasida;

- Sug'urta qilingan TV shikastlanganida – baholash faoliyatini amalga oshirish uchun tegishli ruxsatnomaga ega baholash tashkiloti tomonidan tuzilgan moddiy zararni baholashga doir naryad buyurtma/kalkulyatsiya summasida, ammo ushbu Sug'urta qoidalar shartlariga va ushbu Sug'urta qoidalarining 4.5-bandida nazarda tutilgan harajatlarga ko'ra ilgari amalga oshirilgan sug'urta to'lovlari ayirib tashlagan holda sug'urta pulidan ortiq bo'lmagan miqdorda.

Sug'urtalovchi shuningdek Sug'urta qoidalarining mazkur bandi shartlariga rioya qilgan holda sug'urta qilingan TV ga sug'urta hodisasi yuzaga kelishi natijasida yetkazilgan, hujjat bilan tasdiqlangan va ta'mirlash-tiklash ishlari jarayonida aniqlangan yashirin shikastlanishlarni bartaraf qilish bilan bog'liq harajatlarni ham qoplaydi.

9.3. Agar ushbu Sug'urta qoidalar bo'yicha sug'urta puli sug'urta qilingan TV ning Sug'urta qoidalar tuzilgan sanasidagi sug'urta qiymatidan past belgilangan bo'lsa, Sug'urtalovchi sug'urta hodisasi yuz berganida Sug'urta qildiruvchiga/Qarz oluvchiga yetkazilgan zararlarni o'rnini O'zbekiston Respublikasi Fuqarolik kodeksining 936-moddasiga ko'ra sug'urta pulining sug'urta qiymatiga nisbatiga mutanosib ravishda qoplab beradi.

9.4. Agar sug'urta hodisasi to'lash muddati o'tib ketgan navbatdagi sug'urta badali to'lanishiga qadar yuzaga kelgan bo'lsa, Sug'urtalovchi Sug'urta polisi bo'yicha Sug'urta tovonining to'lanish kerak bo'lgan miqdorini unga to'langan sug'urta mukofotining qismiga mutanosib bo'lgan summa bilan cheklashga va to'lanishi kechiktirilgan sug'urta badali summasini hisobga olishga haqli.

9.5. Ushbu Sug'urta qoidalar bo'yicha sug'urta tovonini to'lash sug'urta hodisasi deb e'tirof etilgan va Sug'urta hodisasi to'g'risida dalolatnoma imzolangan kundan e'tiboran o'n kun ichida pul mablag'larini oluvchining bank hisob raqamiga o'tkazish yo'li bilan amalga oshiriladi. Sug'urta qildiruvchining bankdagi hisob raqamiga pul mablag'lari o'tkazilgan kun, sug'urta tovonini to'langan kun deb hisoblanadi.

9.6. Agar zarar summasi sug'urta hodisasi yuzaga kelishida aybdor bo'lgan shaxs tomonidan to'liq qoplangan bo'lsa, Sug'urta qildiruvchi/Qarz oluvchi sug'urta tovoniga bo'lgan o'z huquqini yo'qotadi.

9.7. Sug'urta qilingan TV ga yetkazilgan zararni o'rnini qoplash yuzasidan Sug'urtalovchi tomonidan amalga oshirilgan sug'urta tovonining har bir to'lovi, agar Sug'urta qildiruvchi tomonidan sug'urta pulini tiklash uchun qo'shimcha sug'urta mukofoti to'lanmasa, sug'urta pulini (Sug'urtalovchi majburiyatlarining limitini) bunday to'lov summasiga kamaytiradi.

9.8. Sug'urta tovonini to'lanishi oqibatida Sug'urtalovchi majburiyatlari limitini kamayish O'zbekiston Respublikasi Fuqarolik kodeksining 936-moddasi talablarini inobatga olgan holda keying sug'urta tovonini to'lash uchun asos bo'lmaydi.

9.9. Sug'urta qilingan TV ga yetkazilgan zararni o'rnini qoplash yuzasidan sug'urta to'voni to'langan taqdirda, Sug'urtalovchi sug'urta qilingan TV ning shikastlangan qismini talab qilib olish huquqiga ega.

9.10. Sug'urta qilingan TV Sug'urta qildiruvchi foydasida garovda bo'lib, unga zarar yetgan bo'lsa, Sug'urta qildiruvchi sug'urtalangan TV yetkazilgan zararni qoplab berish talabi bilan Sug'urtalovchiga ariza berish huquqiga ega. Bunday vaziyatda, to'lab beriladigan sug'urta to'voni Sug'urtalovchi bilan kelishgan holda, Sug'urta qildiruvchi Qarzdorning krediti bo'yicha qarzini qoplashga yo'naltiriladi.

10-BO'LIM. SUBROGATSIYA

10.1. Kredit shartnomasiga ko'ra kreditni so'ndirish majburiyatini olgan Qarz oluvchidan talab qilish huquqi O'zbekiston Respublikasi Fuqarolik kodeksining 957-moddasiga muvofiq ushbu Sug'urta qoidalarining 3.1-bandi "a" kichik bandida nazarda tutilgan sug'urta hodisasi natijasida yuz bergan Sug'urta qildiruvchining zararini qoplash hisobiga sug'urta to'vonini to'liq yoki qisman to'lagan Sug'urtalovchiga u tomondan to'langan summa doirasida o'tadi.

10.2. Yetkazilgan zararda aybdor bo'lgan shaxsga nisbatan talab qilish huquqi O'zbekiston Respublikasi Fuqarolik kodeksining 957-moddasiga muvofiq ushbu Sug'urta qoidalarining 3.1-bandi "b" kichik bandida nazarda tutilgan sug'urta hodisasi natijasida sug'urta qilingan TV ga yetkazilgan zararni qoplash hisobiga sug'urta to'vonini to'liq yoki qisman to'lagan Sug'urtalovchiga u tomondan to'langan summa doirasida o'tadi.

10.3. Sug'urta qildiruvchi va/yoki Qarz oluvchi Sug'urtalovchiga barcha hujjatlar va dalillarni berishi hamda Sug'urtalovchi tomonidan O'zbekiston Respublikasi Fuqarolik kodeksining 957-moddasi talablariga binoan unga o'tgan huquqni amalga oshirish uchun zarur bo'lgan barcha ma'lumotlarni Sug'urtalovchiga xabar qilishi shart.

10.4. Agar Qarz oluvchi yoki sug'urta qilingan TV ni boshqarish ruxsat berilgan boshqa shaxs Sug'urtalovchi tomonidan qoplangan zararda aybdor bo'lgan shaxsga nisbatan talab qilish huquqidan voz kechsa yoki ushbu huquqni amalga oshirish ularning aybi bilan mumkin bo'lmasa, Sug'urtalovchi sug'urta to'vonini to'lashdan to'liq yoki tegishli qismida ozod etiladi va sug'urta to'vonining to'langan summasi qaytarib berilishini talab qilishga haqli.

11-BO'LIM. SUG'URTA SHARTNOMASINI (POLISINI) BEKOR QILISH VA TUGATISH TARTIBI

11.1. Ushbu Sug'urta qoidalariga ko'ra rasmiylashtirilgan Sug'urta polisi taraflardan birining yozma arizasiga ko'ra bekor qilinishi mumkin. Sug'urta polisini bekor qilish uchun barcha taraflarning roziligi talab qilinadi. Sug'urta polisi taraflar o'rtasida bekor qilish to'g'risidagi kelishuv bitimi imzolanganidan so'ng bekor bo'ladi.

11.2. Sug'urta qildiruvchi va Naf oluvchi ushbu Sug'urta qoidalarini shartlarini Sug'urtalovchi buzgani sababli muddatidan oldin bekor qilishni so'raganda, Sug'urtalovchi sug'urta mukofotining bir qismini sug'urta amal qilgan vaqtga mutanosib ravishda olish huquqiga ega.

11.3. Sug'urta qildiruvchining o'z majburiyatlarini buzishdan kelib chiqqan holda Sug'urtalovchi ushbu Sug'urta qoidalarini muddatidan oldin bekor qilishni talab qilganida, to'langan sug'urta mukofoti qaytarilmaydi.

11.4. Sug'urta qildiruvchi/Qarz oluvchi kreditning muddatidan oldin to'liq so'ndirilishi munosabati bilan yoki ushbu Sug'urta qoidalarida nazarda tutilmagan boshqa holatlar bo'yicha Sug'urta qoidalariga ko'ra rasmiylashtirilgan Sug'urta polisini muddatidan oldin bekor qilish to'g'risida talab qilgan taqdirda, sug'urta qoidasining 3.1 bandi "a" kichik bandi bilan nazarda tutilgan holatlar bo'yicha sug'urta mukofoti qaytarilmaydi va 3.1 bandi "b" kichik bandi bilan nazarda tutilgan holatlar bo'yicha sug'urta mukofoti Sug'urtalovchining harajatlarini to'langan sug'urta mukofotining ishlab topilmagan qismining 25 foizi miqdorida chiqarib tashlangan holda sug'urta mukofotining qolgan summasidan sug'urta davrining tugamagan qismiga mutanosib ravishda qaytarilishi mumkin.

11.5. Agar ushbu Sug'urta qoidolari bo'yicha Sug'urtalovchi sug'urta tovonini bunday to'lov summasidan qat'iy nazar to'lagan bo'lsa yoki unda sug'urta hodisasi yuz berishi munosabati bilan sug'urta tovonini to'lashga doir majburiyat bo'lsa, har qanday holda ham sug'urta mukofoti qaytarilmaydi.

11.7. Sug'urta polislari quyidagi hollarda tugatiladi:

- a) amal qilish muddati tugaganida;
- b) Sug'urtalovchi tomonidan majburiyatlarini Sug'urta qildiruvchi, Qarz oluvchi oldida to'lov hajmda bajarilganida;
- d) Sug'urta polisi/shartnoma taraflarining kelishuvi bo'yicha;
- e) sug'urtalash davri tugaganda;
- f) Sug'urta mukofoti belgilangan muddatda to'lanmasa, yoki sug'urta mukofotining navbatdagi qismi Elektron sug'urta polisi bilan belgilangan muddat va tartibda to'lanmasa;
- g) O'zbekiston Respublikasining qonun hujjatlarida nazarda tutilgan boshqa hollarda.

12-BO'LIM. TARAFLARNING JAVOBGARLIGI

12.1. Taraflar o'z zimmasiga olgan majburiyatlarni bajarmaganliklari yoki lozim darajada bajarmaganligi uchun O'zbekiston Respublikasining amaldagi qonun hujjatlariga muvofiq javobgar bo'ladi.

12.2. Sug'urta qildiruvchiga to'lanadigan sug'urta to'lovini kechiktirgani uchun Sug'urtalovchi Sug'urta qildiruvchiga har bir kechiktirilgan kun uchun kechiktirilgan summaning 0,2% miqdorida ammo ushbu Sug'urta qoidolari bo'yicha to'lanishi lozim bo'lgan summaning 50% dan ortiq bo'lmagan holda penya to'laydi. Penyaning to'lanishi Sug'urtalovchini sug'urta tovonini to'lash majburiyatidan ozod qilmaydi.

12.3. Sug'urtalovchi, Sug'urta qildiruvchi va Qarz oluvchi ma'lumotlarni oshkor qilmaslik bo'yicha javobgar bo'ladi va ushbu Sug'urta qoidolari, ilovalar va mazkur Sug'urta qoidolari bilan bog'liq boshqa hujjatlarning mazmunini tegishli tarafning dastlabki olingan yozma rozilgisiz har qanday uchinchi tarafga oshkor qilmaydi.

13-BO'LIM. FORS-MAJOR HOLATI

13.1. Taraflar fors-major holatlar amal qilishi davrida ushbu Sug'urta qoidolari bo'yicha o'z majburiyatlarini qisman yoki to'liq bajarmaganliklari uchun javobgar bo'lmaydi.

13.2. Fors-major holatlarga tabiiy hodisalar (zilzilalar, yer ko'chishlari, dovullar, qurg'oqchiliklar va Sug'urta qoidalarida nazarda tutilmagan sanab o'tilmagan boshqa tabiiy ofatlar) yoki ijtimoiy-iqtisodiy holatlar (harbiy harakatlar, ish tashlashlar, qamallar, davlat tashkilotlar tomonidan qo'yilgan yoki davlatlar o'rtasidagi cheklovchi va taqiqlovchi chora-tadbirlar, shuningdek hukumat qarorlari va boshqalar), agar ular Sug'urta qoidalarini bajarilishiga bevosita ta'sir qilgan bo'lsa) keltirib chiqargan favqulodda, bartaraf qilib bo'lmaydigan va ushbu sharoitlarda nazarda tutilgan bo'lmaydigan holatlar taalluqli bo'ladi.

13.3. Fors-major holatlar yuzaga kelgan taqdirda, taraflar tomonidan majburiyatlarni bajarilish muddati fors-major holatlar amal qiladigan vaqtga mutanosib ravishda kechikliriladi. Bunda Taraflar belgilangan tartibda ushbu Sug'urta qoidolari bo'yicha majburiyatlarning bajarilgan va bajarilmagan qismlar bo'yicha yakuniy hisob-kitobni amalga oshiradi.

14-BO'LIM. BOSHQA SHARTLAR

14.1. Ushbu Sug'urta qoidolari shartlarini o'zgartirish Sug'urtalovchi va Sug'urta qildiruvchining kelishuvi bo'yicha amalga oshirilishi mumkin. Ushbu Sug'urta qoidolari shartlarini o'zgartirish haqidagi bitim yozma shaklda amalga oshiriladi.

14.2. Ushbu Sug'urta qoidalarining shartlari o'zgargan taqdirda, majburiyatlar ushbu Sug'urta qoidolari o'zgarganligi haqidagi yozma kelishuvda bayon qilingan sanadan e'tiboran o'zgartirilgan deb hisoblanadi.

Avtokreditni sug'urtalash qoidalarini

14.3. Ushbu Sug'urta qoidalarini bo'yicha huquq va majburiyatlarni Taraflarning yozma roziligisiz uchinchi shaxslarga berilishiga yo'l qo'yilmaydi.

14.4. Ushbu Sug'urta qoidalarida bayon qilinmagan barcha holatlarda Taraflar O'zbekiston Respublikasi Fuqarolik kodeksi, "Sug'urta faoliyati to'g'risida", "Xo'jalik yurituvchi subyektlar faoliyatining shartnomaviy-huquqiy bazasi to'g'risida"gi O'zbekiston Respublikasi Qonunlari va O'zbekiston Respublikasining amaldagi boshqa qonun hujjatlariga amal qiladilar.

14.5. Ushbu Sug'urta qoidalaridan kelib chiqadigan barcha nizolar va kelishmovchiliklar muzokaralar yo'li bilan, kelishuvga erishilmagan taqdirda esa O'zbekiston Respublikasi qonunchiligida nazarda tutilgan tartibida hal qilinadi.

14.6. Sug'urta polisi (shartnomasi) taraflari, shuningdek har bir tarafning vakillari yoki xodimlari ushbu Sug'urta qoidalarini yuzasidan taraflarga taalluqli yoki oshkor qilinmaydigan axborotni har bir tarafning dastlabki tarzda olingan yozma roziligisiz ochiq qilmaydi.

14.7. Ushbu Sug'urta qoidalarini bir xil kuchga ega ikki nusxada tuzilgan bo'lib, ularning biri Sug'urtalovchida ikkinchisi esa Sug'urta qildiruvchida saqlanadi.

14.8 Kredit muddatidan avval so'ndirilgan holatda qarz oluvchi naf oluvchi bo'lib xisoblanadi

14.9 Mulk egasi o'zgarmagan holda davlat raqam belgisi o'zgarganda hamda qonunchilikda ruxsat etilgan har qanday qayta jixozlash natijasida yoki boshqa sabablarga ko'ra TVnig tex pasporti o'zgargan taqdirda xam ushbu shartnoma va sug'urta polisi o'z kuchida qoladi

SUG'URTALOVCHINING YURIDIK MANZILI VA REKVIZITLARI:

"TEMIRYO'L-SUG'URTA" AJ

Elektron pochta manzili: insurance@tys.uz

Manzil: Toshkent sh., Yunusobod tumani, Oloy bozori berk ko'chasi, 64 uy, BM "ORIENT"

X/R: 20214000904188772001

Bank: "Ipak yuli" Banki Mirzo-Ulugbek filiali

Bank kodi: 00421

STIR: 203 996 028, IFUT: 65120